



Općina Novi Grad Sarajevo

Kapitalni projekat

***Revitalizacija
park-šume Mojmiło***

April / 2009.

Materijal pripremili:

Općinski načelnik i

Općinska služba za integrirani lokalni razvoj

Dizajn i DTP:

Sanin Peblivanović

Štampa:

ArkaPRESS d.o.o., Sarajevo

www.arka.ba

Tiraž:

300 kom.

1. Ukratko o Projektu.....

Sredinom 2006 godine Općina Novi Grad Sarajevo počela je sa pripremnim radovima na realizaciji Projekta **“Revitalizacija park-šume Mojnilo“**. Bitno je napomenuti da je to za Općinu kapitalni projekat na implementaciji Lokalnog akcionog plana za zaštitu okoliša Općine Novi Grad Sarajevo, te je isti, kao prioritetni, uvršten u Strategiju razvoja Općine do 2015. godine.

Želja i misija Općine je da u navedenom Projektu realizuje niz manjih projekata u saradnji sa vladinim i nevladinim sektorom, lokalnim stanovništvom, školskim i predškolskim institucijama i sl., kako bi zaokružila zeleni pojas park-šume Mojnilo (cca 40 ha) sa pratećim sadržajima (Arboretum, Eko-kuća, botanička bašta, sportski tereni, trim i pješačke staze, te ostali prateći mobilijar sa neophodnim servisima za kvalitetno upravljanje prostorom) koji će biti lako dostupni građanima Općine, Grada i Kantona Sarajevo.

Prevazilaženje mogućih rizika u implementaciji ovog Projekta (bespravna i neplanska gradnja, nizak nivo ekološke svijesti kod građana i sl.) će biti uslovljeno razvojem partnerstva, radi obezbjeđenja potrebnih materijalnih i tehničkih uslova za što kraći period realizacije, te kontinuiranim informisanjem i saradnjom sa lokalnom zajednicom.

U okviru naprijed navedenog Projekta do sada je realizovano sljedeće: Otkup zemljišta; Projektovanje i izgradnja Arboretuma; Projektovanje i izgradnja objekta Eko-kuće, zatim Vanjsko uređenje Eko-kuće, te opremanje iste neophodnim inventarom i namještajem; Projektovanje i izgradnja minibuske okretnice u naselju Turkušići - kod objekta Eko-kuća; Ambijentalno uređenje park-šume Mojnilo u okviru kojeg je zasađeno cca 1.400 stabala i izgrađena pješačka staza prema Dobrinji u ambijentalnom stilu; Uspostavljeno je osiguranje lokaliteta u dvije smjene (dva čuvara i domaćin); Projekat ekomonitoringa prostora; Projekat škola u prirodi i niz drugih manjih projekata u saradnji sa NVO, školskim institucijama i sl; a u toku je realizacija Projekta **“Vegetacijsko uređenje park-šume Mojnilo i izgradnja trim staze”** u okviru kojeg će također biti do kraja godine posađeno cca 1.500 stabala i izgrađena trim staza u dužini cca 600 m. Ističemo da je većina naprijed navedenog realizovana uglavnom iz budžetskih sredstava Općine i dijelom donatorskih sredstava (Ministarstvo prostornog uređenja i zaštite okoliša KS, Federalno ministarstvo okoliša i turizma, Grad Sarajevo, NVO UCODEP, SERDA, SIDA, REC BiH).

U 2009-oj godini cilj nam je postepeno širiti obuhvat park-šume otkupljivanjem dodatnih parcela zemljišta, što zahtjeva značajna finansijska

ulaganja, kao i planiranje i projektovanje novih sadržaja radi stvaranja zaštićenog prirodnog kompleksa u blizini urbane sredine sa neophodnim sadržajima za sport, rekreaciju, odmor, edukaciju i upravljanje, što je primarna potreba stanovnika ove najmnogoljudnije lokalne zajednice, Grada, Kantona i regije obzirom da se stepen zagađenosti zraka sve više povećava zbog evidentnog smanjenja zelenih površina usljed intenzivne gradnje, sječe šume i povećanja intenziteta saobraćaja.



Park-šuma Mojmiło nekad...

2. Zašto park-šuma?

- ☞ Zbog evidentnog smanjenja zelenih površina usljed intenzivne gradnje i sječe šume u ratnom periodu, te zaštite prostora koji je u dodiru sa vodozaštitnom zonom rezervoara Mojmililo od devastacije
- ☞ Potrebe za prirodom u neposrednoj blizini mjesta boravka su neophodne za normalane životne aktivnosti čovjeka



... i sad

- ☞ Zbog nepostojanja kapaciteta za odmor i rekreaciju u prirodi u blizini mjesta kolektivnog stanovanja
- ☞ Zbog čvrstih opredjeljenja utemeljenih u Lokalnom ekološkom akcionom planu (LEAP) i Strategiji razvoja Općine do 2015. godine (SPRONG) da sistemski i sukcesivno unaprijedimo uslove života (rad, rekreacija i odmor)
- ☞ Uspostava zelenog pojasa je primarna potreba građana najmnogoljudnije lokalne zajednice u KS - Općine Novi Grad Sarajevo, zatim Grada Sarajeva i regije.

3. Strateški projektni ciljevi

- ☞ Plansko korištenje zemljišta; zaustavljanje bespravne, odnosno neplanske gradnje
- ☞ Uspostava ambijenta za odmor, rekreaciju i edukaciju
- ☞ Ogledna površina za prikaz biološke raznolikosti-Arboretum
- ☞ Eko doprinos izgradnji turističkih kapaciteta
- ☞ Potrebni servisi za kvalitetno upravljanje prostorom
- ☞ Oplemenjivanje i ovladavanje prostorom, kao javnom zelenom površinom na principu samoodrživosti

4. Ostvareni rezultati

- ☞ Unapređenje kapaciteta za sport, rekreaciju, turizam i edukaciju u prirodi na površini od cca 10 ha
- ☞ Dosadašnja realizacija Projekta zadovoljava četiri osnovne funkcije u planiranju i podizanju zelenih površina: sanitarno-higijenska, dekorativno-estetska, kulturno-prosvjetna i kompoziciono regulaciona
- ☞ Snažno opredjeljenje za kapitalno ulaganje u okoliš
- ☞ Uređen lokalitet u skladu sa zakonom i interesima građana
- ☞ Riješena vertikalna komunikacija prema park-šumi
- ☞ Izgrađen objekat Eko-kuća
- ☞ Kontinuirani programi eko-sekcija, NVO, obrazovnih institucija i sl.



5. SWOT analiza Projekta.....

☞ Snage

Prostor; Strateški pristup planskim dokumentima; Čvrsta opredjeljenost Općine za realizaciju projekata iz oblasti zaštite okoliša;

☞ Slabosti

Nedonošenje odgovarajućeg RP; Nedovoljna brzina tranzicije imovinsko-pravnih odnosa; Skromna iskustva i vještine u vezi sa upravljačkim funkcijama;

☞ Prilike

Ambijent i podrška ostalih institucija vlasti u vezi sa ekološkim planovima šireg značaja; Zainteresovanost NVO; Adekvatan status i interes javnih medija; Blizina saobraćajne infrastrukture;

☞ Prijetnje

Nizak nivo ekološke svijesti-nesavjesnost građana; Blizina naselja izgrađenih uglavnom neplanski; “Divlja izgradnja”;





Partnerski projekti u saradnji sa zajednicom

6. Vizija

- ☞ Potrebno je provesti niz manjih projekata u okviru Projekta revitalizacije prk-šume, te uložiti značajna finansijska sredstva
- ☞ Izrada i usvajanje RP u obuhvatu park-šume Mojnilo
- ☞ Revitalizovana park-šuma Mojnilo, zaštićen prirodni kompleks u obuhvatu od cca 40 ha - od Švrakinog sela, uz X-tu transferzalu prema Rezidencijalnom naselju Dobrinja sa neophodnim pratećim sadržajima
- ☞ Ublažiti posljedice negativnog djelovanja polutanata prouzrokovanih izrazito gustim saobraćajem na području Općine, te daljnje devastacije prostora što se ogleda u smanjenju nivoa buke, poboljšanju strukture i sastava zemljišta, stvaranju povoljne mikro-klime, zadržavanju prašine ili dima, pravilnoj areaciji i isparavanju, pozitivnom djelovanju na psihičko stanje čovjeka, poticanju kulturno-prosvjetnih aktivnosti kod različitih ciljanih grupa, estetski lijepo, hortikulturno uređenom prostoru i sl.
- ☞ Puno partnerstvo u saradnji sa zajednicom, a naročito sa školskim, vladinim i nevladinim institucijama (učenici, studenti, eko-volonteri, “obični građani” ...)

7. Tim za realizaciju i prijatelji Projekta.....

- ☞ Načelnik Općine Novi Grad Sarajevo Damir Hadžić sa saradnicima: Hazima Pecirep, Smail Hodžić, Šemsudin Hadžić, Duško Bašić, Dervo Čolakhodžić, Murat Mudžet, Emir Dedović, Edina Imamović, Sanel Kasapović, Sedad Hrgić, Nedžad Kapetanović, Jasmina Horo, Mujo Herenda, Nihad Hatkić, Jusuf Begić, Behudin Bjelak, Anera Kečo; Općinsko vijeće u sazivu 2004-2008; Predsjedavajući Općinskog vijeća: Safet Kešo i Hamdija Lagumdžić; Komisija za prostorno uređenje i zaštitu okoliša Općinskog vijeća u sazivu 2004-2008 - Predsjednica Almedina Alender, Predsjedavajući Općinskog vijeća u sazivu 2008-2012 Aner Šuman;
- ☞ “IDEA” d.o.o. Sarajevo; “MIBRAL” d.o.o. Sarajevo; “MONT GRADNJA” d.o.o. Sarajevo; KŠPD “Sarajevo šume” d.o.o. Sarajevo; KJKP “Park” d.o.o. Sarajevo; “ANA-HUP” d.o.o. Sarajevo;
- ☞ Grad Sarajevo; Federalno ministarstvo okoliša i turizma; Ministarstvo prostornog uređenja i zaštite okoliša KS;
- ☞ SERDA; SIDA; REC BiH;
- ☞ NVO “UCODEP”; NVO “UITH BiH”;
- ☞ JU “Mješovita srednja dravno-šumarska škola” Sarajevo;
- ☞ Eko-volonteri sa Zvanične liste Općine Novi Grad Sarajevo;
- ☞ Osiguranje lokaliteta park-šume (Erdal Čeman, Kasim Muminović i Ahmet Bojičić);
- ☞ SOS Kinderdorf;
- ☞ Prirodno-matematički fakultet; Šumarski fakultet;

.....

Sve Vaše prijedloge i sugestije vezano za Projekat “Revitalizacija park-šume Mojmiło” možete uz šetnju do park-šume dostaviti u objekat Eko-kuća gdje će Vas dočakati lijep ambijent i Domaćin Eko-kuće!

Ukoliko ste zainteresovani za održavanje neke aktivnosti iz oblasti zaštite okoliša ili slično na području park-šume, također se možete obratiti našem Domaćinu!

Volite prirodu i zelenilo, a imate višak sadnog materijala, možete ga uz pomoć našeg Domaćina zasaditi na lokalitetu park-šume!

.....

***Pridružite nam se na dobrom putu za
ljepšu budućnost, jer priroda je bogastvo
koje trebamo voljeti i čuvati!***

OPĆINSKI NAČELNIK
Damir HADŽIĆ



**OPĆINA NOVI GRAD
SARAJEVO**

Bulevar Meše Selimovića br. 97
Tel: +387 33 291 100; +387 33 452 422
Fax: +387 33 291 278
E-mail: ngsa@bih.net.ba

www.novigradsarajevo.ba